

منتخب رئیس جمهور: سیاسی حماسه امام زمانین (عج) عنایتی و رهبرین تدبیری این پاراندی

منتخب رئیس جمهور اؤز انتخابات ستادی نین مسئوللارینن گؤروشده، امام زمانین (عج) خاص عنایتلری و رهبرین تدبیرینی، سیاسی حماسه نین یارانماسی نین عاملی بیلدی.

منتخب رئیس جمهور اؤز انتخابات ستادی نین مسئوللارینن گؤروشده، امام زمانین (عج) خاص عنایتلری و رهبرین تدبیرینی، سیاسی حماسه نین یارانماسی نین عاملی بیلدی.

منتخب رئیس جمهور، حجت الاسلام والمسلمین حسن روحانی انتخابات ستادی نین مسئوللاریندان تقدیر بیغینجاغیندا، حضرت علی اکبرین (ع) ولادتینی تبریک دئماغینان دئدی: تدبیر و اومید دولتییه کؤمک ائدنلرین، قایا قدا گنبد مقصده چاتماق اوجون داها آرتیق فداکارلیق ائله ماقلارینی اومید ائلیروق.

روحانی بونو دئماغینان کی بو حماسه نین یارانماسی امام زمانین (عج) خاص عنایتلری و معظّم رهبرلیق مقامی نین تدبیرلری سایه سینده و اونلارین سؤزلری، مخصوصاً آخر لحظه لرده جماعتین رأیی نی امانت و حقّ الناس سایماقلاری تأثیرینده باش وئردی، آرتیردی: اونلارین تدبیرلری اولماسایدی بویون ایران جماعتینده بو قدر شادلیغین اولماسی نین اولوب اولمادیغی بللی دئییلدی.

منتخب رئیس جمهور عالمیر و جوانلاردان بو شورلو انتخابات صحنه سینین یاراتماغا گؤره تشکر ائدیپ دئدی: بو حضور بو جمله نی آشکار ائدی: بیز جماعته داها یاخجی گله جاق ایستیروق.



روحانی آیت الله هاشمی رفسنجانی و خاتمی دنده تشکر ائدیپ دئدی: بوتون سیاسی جریانلار اصلاح طلب، اصولگرا، و اعتدالگرا لار کؤمک ائله دیلر و هامی اؤلکه میزین باشی اوجالیغی اوجون چالیشیب مایا قویدولار.

منتخب رئیس جمهور اؤلکه نین مشکللرینه اشاره ائدیپ دئدی: بویون، قدرتین تدریجینن انتقالی اوجون، ایندیکی دولتین وزیرلرینن دانیشاندا چتینلیقلاری داها چوخ لمس ائلیرم آما اومیدیم بیز ذرّه ده آزالمیر.

روحانی آرتیردی: انسانلار چتینلیقلاردا و آلچاق اوجالیقلاردا اؤزلرینی گؤرسدرلر و جناب دکتر عارفین حقیقی معنادا بو یولدا مخصوص رولو واریدی.

روحانی اؤلکه نین معضللرینی حل ائله ماغا تأکید ائله ماعینان دئدی: افراط و تفریطدن اوزاق اولماغینان تعادلی اؤلکه جماعتی نین ذهنینه یئریداق. دوزدی ستادیمیز یوخدور آما وظیفه میزی یاددان چیخارتمامالی یوق.